



**Dangui Oduber
AUMENTO DI PRIJS AFECTANDO
PUEBLO GRANDEMENTE!
BESTAANSMINIMUM A BOLBE
CONOCE UN AUMENTO**



WWW.SOLODIPUEBLO.COM



SOLODIPUEBLO@GMAIL.COM

**HUES A PARA LAND
ARUBA: MESTER
DEBOLBE TUR
STEPS DEN 24 ORA!**



**NA SEROE BIENTO!
TRES DETENI, ARMA Y
DROGA NA
GRANEL CONFISCA**



**JACCO Y SU
“OLIFANTI ROOS”;
SEGUN POSNER “TIN
BURICO TA CANA
ROND’: IMSAN..
SEPARA OF DI HOH?**

HISTORIA DI E WELGA DI CHICAGO 1886 – HAYMARKET

Esaki ta e welga cu a cambia historia laboral mundial y ta e motibo pakico nos ta celebra Dia di Obrero riba 1 di Mei.

Na 1886, trahadonan na Merca tabata traha 10, 12, hasta 16 ora pa dia, 6 dia pa siman. Nan salario tabata abou y e condicionnan tabata peligroso. E movimiento pa un dia di 8 ora a cuminsa crece:

“8 ora pa traha, 8 ora pa sosega, 8 ora pa biba.”

1 di Mei 1886

Sindicationan a yama un welga nacional riba 1 di Mei 1886 pa exigí un dia di 8 ora di trabao. Na Chicago so, mas di 80.000 trahado a stop di traha y a sali riba caya. Na principio, tur cos tabata pacifico.

3 di Mei 1886

Na fabrica di machine McCormick, polis a tira riba trahadonan cu tabata protestando. 2 trahado a muri y varios a keda herida. Esaki a causa hopi indignacion bou di e trahadonan.

4 di Mei 1886 – Haymarket Square

Lidernan laboral a organiza un reunion riba Haymarket Square pa protesta contra violencia policial. Tabatin mas o menos 3.000 hende. E reunion tabata trankil te ora cu polis a yega pa dispersa e multitud.

Diripiente, un persona a tira un bom den e polisnan.

7 polis a muri. Polis a responde tirando riba e multitud. 4 trahado a muri y decenas a keda herida. Te awe, nunca a descubri ken a tira e bom.

Gobierno a laga aresta 8 lider sindical anarquista, aunke mayoria di nan ni no tabata presente na Haymarket e anochi ey. Nan a wordo acusa sin prueba solido.

Resultado

Na 1887, 4 di nan a wordo colga: August Spies, Albert Parsons, Adolph Fischer y George Engel.


Nan a bira conoci como “E Mártirnan di Chicago.”

Na 1889, e Segunda Internacional Socialista — un organisacion fundana Paris pa partidonan socialista y laboral — a declara 1 di Mei como Dia Internacional di Trahado, pa honra e mártirnan di Chicago y sigui lucha pa un dia di 8 ora.

Conclusión

E welga di Chicago di 1886 a cuminsa como un lucha pa 8 ora di trabao, pero a termina den violencia na Haymarket. E sacrificio di e lidernan sindical a inspira leynan laboral rond mundo. Awe nos tin un dia di 8 ora, en gran parti danki na nan lucha.

Esaki ta, en corto, e historia tras di 1 di Mei. Nos mester reflexiona riba e lucha y sacrificio hiba cu nos no mester laga bai perdi.



Un pabien ta bai awe na tur trahadonan di Aruba, y particularmente na miembronan di TOPA.

CU SINDICATO, SEMPER BO POR LOGRA MEHORA DEN BO CONDICION DI TRABAO.

BIRA MIEMBRO, ORGANISA BOSO MES Y AFILIA NA UN SINDICATO PA BO ADELANTO LABORAL.

HUES A PARA LAND ARUBA: MESTER DEBOLBE TUR STEPS DEN 24 ORA!

ORANJESTAD – Den un decision cu a cay manera un shock riba gobierno, hues den kortgeding a ordena Land Aruba pa stop mesora cu e razzia contra e scooternan di e compania di E-bikes. Gobierno tin exactamente 24 ora pa debolbe tur e stepsnan cu nan a confisca diahuebs!

ACCION “BRUTO” SIN AVISO OFICIAL

Tur cos a cuminsa ora cu Minister di Husticia a anuncia via medionan di comunicacion dia 21 di april cu lo bay prohibi e stepsnan electronico riba caminda publico. Sinembargo, segun e sentencia di hues, Dowers NO a manda ningun decision formal ni aviso oficial pa e compania.

Enbes di actua segun ley, gobierno a opta pa publica un “Ultimo Aviso” riba social media dia 29 di april y e siguiente dia mes, a cuminsa ranca/coy e stepsnan for di hotelnan y terenonan priva.

SENTENCIA DI HUES
Hues a considera cu e manera di actua di Land Aruba no tabata uno di un “gobierno cauteloso” (zorgvuldige overheid). Aki ta e puntonan principal di e veredicto:

STOPCUCONFISCACION:
Land Aruba tin prohibicion total pa sigui retira steps for di tereno priva of publico.

DEBOLBE TUR COS:



Tur e stepsnan cu ya a wordo hiba, mester wordo debolbe na E-bikes den un periodo di 24 ora.

DAÑO ECONOMICO: Hues a enfatisa cu e accion aki ta causando perdida grandi

di placa pa e compania, afectando nan trahadonan y proveedornan.

KICO TA SIGUI AWOR?
Maske cu polis por sigui duna boet si nan mira un hende ta comete un

infraccion di trafico cu un step, nan no mag bay cu e propiedad di e compania mas. E medida aki ta keda vigente te ora cu tin un decision final den e caso di kortgeding, locual por tarda entre 3 pa 4 siman.

Pa awor, E-bikes ta hala un rosea di alivio, mientras cu gobierno mester busca con pa drecha e palisp cu nan a ricibi den corte.



STATEN VAN ARUBA

OPENBARE VERGADERING OP 11 MEI 2026 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Toelichting door de Minister van Koninkrijksrelaties, Onderwijs, Jeugd, Innovatie en Sport, mw. mr. G.L. Croes inzake gunning onderwijsopdrachten zonder aanbesteding

De Griffier,

mr.drs. Herman Ch. J. Hek



STATEN VAN ARUBA

OPENBARE VERGADERING OP 5 MEI 2026 OM
9:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Ontwerp-landsverordening tot vaststelling van de begroting van de Dienst Openbare Werken voor het dienstjaar 2026

De Griffier,

mr.drs. Herman Ch. J. Hek

Shailiny Tromp-Lee:

UN RECONOCIMIENTO NA E CURASON DI ARUBA, E FORSA CU TA MOVE NOS PAIS.

FELIZ DIA DI LABOR

Awe, riba Dia di Labor, nos ta para keto pa honra e motor principal di nos sociedad: nos forsa laboral. No ta trata simplemente di un dia liber, sino di un momento pa celebra e sacrificio, e talento y e determinacion di cada homber y muher cu tur dia ta lanta cu e meta pa contribui na bienestar di nan famia y na progreso di nos isla.

E poder di nos trahadornan

Trabou ta hopi mas cu un transaccion pa un salario, e ta e fundeshi di dignidad humano. For di e profesionalnan den oficina, e mannan cu ta traha den construccion, esunnan den cuido, enseñansa, te na e entrepreneur cu ta habri caminda nobo, cada gota di sodo ta conta. Ta e esfuerzo di cada uno cu ta participa na e forsa laboral ta loke ta mantene nos economia bibo y nos comunidad fuerte.

Un compromiso cu husticia y inclusion

Nos mester sigui percura cu trabou di nos forsa laboral mester wordo compaña pa condicionnan di trabou husto y un vision di inclusion. Nos mester sigui traha pa garantiza cu tur trahador, hoben y grandi, tin e proteccion y e oportunidadnan pa crece den un ambiente di respet. Solamente ora nos balora e ser humano tras di e trabou, nos por bisa cu nos ta progresando

berdaderamente.

Un mensahe di gratitud

Na tur e trahadornan cu ta e heroenan silencioso di nos nacion: danki. Boso dedicacion ta e prueba cu e forsa mas grandi di un pais no ta den su edificionan, sino den e curashi di su hendenan. Loke nos ta logra hunto, ta loke ta defini nos futuro. Masha danki pa boso aporte diariamente y feliz Dia di Obrero!



Eduard Pieter, lider di fraccion PPA:

“AWOR CU RAAD VAN ADVIES TA SOSTENE NOS POSICION CONTRA HOFA, TA MOMENTO PA FORMA UN FRENTE NACIONAL!”

Awor cu Raad van Advies a confirma cu e proposicion di Rijkswet HOFA, presenta pa gobierno AVP y FUTURO, ta mishi directamente cu e autonomia di Aruba, e debate politico ta cambia di tono. Esaki ya no un discusion mas entre oposicion y gobierno, esaki ta un señal institucional cu Aruba mester tuma awor hopi na serio y actua riba dje.

Lider di fraccion di PPA, Eduard Pieters, ta expresa fuertemente sin keda draai rond: “Awor no tin mas excusa. Ora e institucionnan independiente confirma e preocupacionnan aki, keda keto ta bira complicidad.”

For di cuminsamento, PPA a

adverti cu HOFA ta un ley cu ta bay mas leu cu disciplina financiero. Ta trata di poder. Ta trata di control. Ta trata di e derecho di Parlamento di Aruba pa determina su propio rumbo financiero, sin intervencion externo.

Awor cu Raad van Advies ta valida esaki, e pregunta no ta mas si acaso tin problema, paso e pregunta ta bira: “Ken tin e curashi pa enfrenta e realidad?”

Gobierno no por sigui trata esaki manera un proceso tecnico of djis algo di politico partidario. Esaki ta un asunto nacional y e falta di accion awor lo ta interpreta como un decision: un decision pa acepta un debilitacion di nos posicion

dentro di Reino.

PPA ta haci un yamada fuerte y directo: laga boso color di partido un banda, laga calculacion politico un banda, supera tur ineres individual y ban hunto forma un frente nacional.

No pa confronta Hulanda, pero pa negosha cu dignidad y claridad. No pa crea conflicto, pero pa evita cu Aruba ta perde tereno, sin lucha.

Un Reino fuerte no ta construi riba ley cu ta impone control, sino riba respet mutuo entre e paisnan autonomo. Y respet no ta algo cu bo pidi, bo mester exigie cu un bos unifica.

Esaki ta e momento cu lo defini con Aruba lo ta para den e añanan



cu ta bin. “Dividi, nos ta debil. Uni, nos tin hopi mas poder.” Eduard Pieters ta remarca. Awor ta e ora pa muestra cu Aruba no ta negosha su autonomia, ni den silencio, ni den division.

SPIRIT AIRLINES A DAL PORTA CERA AWE; LAGANDO MILES DI PASAHERO PEGA

ORANJESTAD – E aerolinea Mericano Spirit Airlines a anuncia awe, 2 di mei 2026, cu nan ta stop tur nan actividadnan cu efecto inmediato. Despues di 34 aña den industria, e pionero di e model “ultra low-cost” no por a wanta e presion financiero mas, lagando miles di pasahero pega y afectando e conectividad di Aruba cu Florida.

Motibo di e Cayida: Guera y Preis di fuel

Aunke Spirit tabatin tempo ta lucha cu debe, e “golpi mortal” tabata e aumento drastico den prijs di combustibel pa avion. Esaki ta un consecuencia directo di e conflicto arma na Medio Oriente, locual a destabilisa e mercado di petroleo globalmente.

E aerolinea a purba negocia un paquete di rescate cu e Gobierno di Trump. E plan tabata pa e gobierno inverti 500 miyon dollar a cambio di un participacion di 90% den e accionnan di e compania (un nacionalisacion parcial). Sinembargo, e negociacionnan a fracasa na ultimo ora, forzando Spirit pa cera su portanan awe mes.

E Situacion na Aruba: Kico esaki ta nifica?

Spirit Airlines tabata un pilar importante pa Aruba, specialmente pa esnan cu ta busca tarificanan economico pa e hub di Fort Lauderdale. Su salida tin impacto inmediato:

Cancelacion Total: Tur vuelo di Spirit pa y for di Aruba a wordo cancela awe. E aerolinea



a confirma cu nan servicio na cliente ta cera, loke ta nifica cu pasaheronan na Aruba no tin hende na airport pa yuda nan.

Golpi na Turismo: Aruba ta perde un di su proveedornan principal di turista “budget”. Esaki lo afecta ocupacion di Airbnbs y hotelnan chikito den e proximo lunanan.

Prijs di Ticket lo Subi: Cu menos competencia den e ruta pa Florida, ta hopi probable cu e otro aerolineanan lo subi nan prijsnan debi na e demanda halto.

Guia pa e Pasahero Pega na Aruba Debi cu Spirit a “hef zichzelf op” (elimina su mes), e proceso pa recupera placa lo ta largo:

No bay Aeropuerto: No tin personal pa atende bo. Spirit mes a pidi pasaheronan pa no bay aeropuerto.

Re-embolso (Refund): E compania a indica cu lo purba

procesa re-embolso automatico pa esnan cu a paga cu credit card, pero esaki por tarda hopi debi na e proceso di bankarota.

Alternativan: Pasaheronan na Aruba mester busca ticket nobo via JetBlue, American Airlines of

Delta pa por sali of yega e isla.

“Nos tabata orguyoso di e impacto cu nos modelo di prijs abou tabatin den e sector den e ultimo 34 añanan,” Spirit a declara den nan comunicado final di despedida.

Clasificados

SOLODIPUEBLO@GMAIL.COM

CEL.585 9500

NISSAN MARCH A SUBI BARANCA NA PAVIA




Pavia - Diaranson atardi rond di 5'or y mey polis y ambulance a bay pura panort di e dam di Morgenster, undu cu lo tin un accidente pisa.

Ora cu nan a yega danki Dios no tawata trata di nada serio pues locual ta heridos. Ey nan a bin topa cu un Nissan March

letterlijk riba un baranca. Na stuur un damita, no ta conoci si e tin rijbewijs.

Paramediconan cu a presenta a bay cu ne Hospitaal pa observacion, no tawata mustra seriamente herida.

E potret ta papia pa su mes, cu falta di conocimiento tanto di e caminda y di auto[velocidad halto] ta e motibo.



DEN MI CURAZON

Nos prome Dia di Mama
Sin por brasa Mama
Nos prome Dia di Mama
Sin por tende su bos
Sin su amor
Sin su calor
Sin su dushi holor

E ta hasi dolor
Aunque nos sa
E ta den amor di Dios
Rondonando nos
Den tur buniteza
Nos ta reza

Gradici pa su amor
Pa semper den nos
Pa semper guia nos
Pa semper stima nos

Dushi Tata Dios
Brasa nos mama pa nos
Cariciele cu un sunchi
Riba su frenta y cabes
Brasa nos mama
Riba dia di mama
Riba Diadomingo
Y tur dia di siman

Den awasero
Den e luz cla di solo
Den brisa di biento
Den nochinan keto
Na tur momento
Den tur tempo

Un Dia di Mama
bendiciona
Awe tin mama rondonab
Hamas lubida
Ken nos dushi mama ta !

Roy, Ro, Lucky y Ruthy.



NA SEROE BIENTO! TRES DETENI, ARMA Y DROGA NA GRANEL CONFISCA



UNIT NARCOTICA CU 3
DETENCION: A CONFISCA
ARMA DI CANDELA Y
CANTIDAD GRANDI DI DROGA

Diabuebs 30 di april 2026, Unit
Narcotica a haci un entrada
hudicial na un cas situa na Seroe
Biento.

Na e cas menciona, a detene un
total di tres hende homber. Dos
di nan ta naci na Aruba y uno na
Colombia.

Durante e entrada hudicial a bin
topa cu un cantidad considerabel
di droga, consistiendo di:

Marihuana
Cocaina
XTC
Tusi

Alabes, Unit Narcotica a confisca
un arma di candela y un suma
grandi di placa na efectivo.

Unit Narcotica ta sigui traha
incansablemente pa combati benta
di droga y pa mantene un Aruba
sigur.

Cuerpo Policial Aruba ta recorda
comunidad cu si bo sa algo of a
presencia algo sospechoso yama
e tiplijn di polis na 11141. Bo
anonimidad ta keda garantisa.



M.J.C TROMP NOTARIS

Santa Cruz 35 • Santa Cruz, Aruba
☎ +297 585 3500 | +297 585 7900
✉ info@notaristromp.com

Op **donderdag 4 juni 2026** des namiddag om 14.00 uur, zal in de vergaderzaal van de "Aruba Surfside Marina", L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 19 november 2051 op een perceel domeingrond, groot 646 m², gelegen te Mabon in het Vierde District van Aruba, (kadastrale indeling: 4-E-22), nader omschreven in **kadastrale meetbrief nummer 82 van vier juli negentienhonderd een en negentig**, met het daarop gebouwde, plaatselijk bekend als "**Mabon 9-F**".

Inzetprijs: Afl. 277.000, ==;

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met **20 mei 2026** kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Whatsapp: (297) 6997245

Fax: 5854222

Email: veiling@notaristromp.com / auction@notaristromp.com

Visit: Arubanotary.com

DIA MUNDIAL DI SIGURIDAD Y SALUD NA TRABOU, APRIL 28 Y DIA DI OBRERO -1-

Na 2003, Organisacion Internacional di Trabou (ILO) a cumenza observa e Dia Mundial aki pa enfatisa prevencion di accidente y malesa na pia di trabou, capitalizando riba e forsa tradicional di ILO pa cu dialogo nacional y dialogo tripartito.

E celebracion aki ta forma parti integral di e Strategia Global pa Siguridad y Salud na Trabou di ILO, manera documenta den e Conclusionan di e Conferencia Internacional di Labor na juni 2003. Un pilar principal di e Strategia Global ta promocion, y e Dia Mundial pa Siguridad y Salud na Trabou ta un instrumento clave pa eleva e concientisacion con pa haci trabou mas sigur y mas saludabel y pa enfoca riba e necesidad pa eleva e perfil politico di siguridad y salud na trabou.

28 di april tambe ta e Dia Internacional di Conmemoracion di Trahadornan Morto y Herida organisa pa e movimiento di sindicalismo na nivel mundial desde 1996.

Prevencion di accidente di trabou y enfermedad di ocupacion

E Dia Mundial pa Siguridad y Salud na Trabou riba 28 april ta promove prevencion di accidente y enfermedadnan ocupacional (beroepsziekten, occupational diseases) na nivel global.

E ta un campaña di concientisacion pa enfoca mundialmente riba a magnitud di e problema y con pa promove y crea un cultura di siguridad y salud na trabou pa yuda reduci e cantidad di morto y lesionan causa pa trabou.

Cada un di nos ta responsabel pa evita morto y lesionan na pia di trabou.

Gobiernonan ta responsabel pa proporciona e infraestructura (ley y servicio) necesario pa garantiza cu e trahadornan sigui ta empleabel (arbeidsgeschikt) y cu empresanan

por florece; esaki ta inclui e desaroyo di un política y un programa nacional y un sistema di inspeccion pa haci cumpli cu legislacion y e maneho di siguridad y salud na trabou. E dunadornan di trabou ta responsabel pa garantiza cu e lugar di trabou ta sigur y saludabel. E trahadornan ta responsabel pa traha cu siguridad y proteha nan mes y no pone otro na peliger y pa conoce nan derecho y participa den e implementacion di medida preventivo.

Riesgo emergente na trabou

Riesgo ocupacional laboral nobo y emergente por ser causa pa innovacion tecnico of dor di cambio social of organisacional, manera:

1. Tecnologia nobo of proceso di produccion, p.e. inteligencia artificial
 2. Condicionan nobo di trabou, p.e. mayor carga di tarea pa haci na trabou, intensificacion di trabou debi na reduccion di personal, mal condicion causa dor di migracion en busca di mihor trabou, empleo den e economia informal
 3. Forma emergente di trabou, p.e. trabou pa propio cuenta, subcontratacion, contrato temporal
- Esakinan por ser mas ampliamente reconoci a traves di un mihor comprension científico, p.e. e efectonan di riesgonan ergonomico di trastorno musculoeskeletal. Y nan por ta influencia pa cambionan den e percepcion di e importancia di cierto factor di riesgo, manera efectonan di factor psicosocial riba stress relaciona na trabou.

TEMA 2026: Ban sigura un ambiente psicosocial saludabel na trabou

E ambiente psicosocial na trabou ta



ser defini pa e manera con e trabou ta diseña, organisa y maneha, y alabes e practica organisatorio cu ta configura e condicionan laboral diario.

Factornan psicosocial, manera e peso (carga) di trabou, orario di trabou, claridad riba e funcion di cada empleado, autonomia y procesonan equitativo y transparente ta influencia considerabelmente con trabou ta ser experiencia y ta afecta siguridad, salud y prestacion di trahador.

Ora factornan psicosocial afecta trahador negativamente, nan ta bira riesgo, mescos cu riesgonan fisico, chimico y biologico na trabou, y mester ser atendi y maneha pa asegura un ambiente sigur y saludabel na pia di trabou. E Organisacion Internacional di Trabou a saca un rapport titula "The

Psychosocial Environment. Global Developments and Pathways for Action", cu ta delinea basa riba un enfoke institucional di prevencion tres nivel con pa yega na un ambiente psicosocial saludabel na trabou, esta definicion di puesto di trabou, con ta organisa y maneha trabou, y procedura, practica y maneho cu ta goberna trabou.

SITUACION NA ARUBA NA OCASION DI DIA DI OBRERO

E situacion laboral na Aruba ta ser tipifica dor di varios factor negativo.

Den promer instante hopi convenio y protocolo di ILO NO a ser ratifica na Aruba, y di esnan si ratifica y implementa den legislacion nacional laboral, varios no ta ser enforza, manera Inspeccion di

Continuacion pag 15

JACCO Y SU “OLIFANTI ROOS”; SEGUN POSNER “TIN BURICO TA CANA ROND”: IMSAN.. SEPARA OF DI HOH?

Isman ta keda independiente of mester pasa pa Hospital ?

ORANJESTAD – Rednan social a explota e siman aki despues di un intercambio di palabra masha cayente mes entre e big shot di HOH, Jacco Vroegop y e conocido Dr. Ike Posner. Locual a cuminsa como un expresion di opinion riba LinkedIn di Jacco riba e futuro di nos cuida di salud yama “ E olifanti roos” a haya un contesta fuerte di Dr Ike Posner, cu opinion di Jacco mas bien ta di “buriconan cu ta cana rond”.

Kico ta e essencia?

E discusion ta draai rond di un solo pregunta: Aruba mester di un solo hospital grandi, of nos mester keda cu HOH y IMSan separa? Jacco Vroegop ta boga pa un “fusion”, locual kiermen uni e dos institutonan aki pa nan bira un solo organisacion.

Di otro banda, Dr. Ike Posner ta para firme cu esaki ta un peliger pa e pueblo y cu mester respeta locual Parlamento ya dicidi caba.

Jacco y su “Olifanti Roos”

Sr. Vroegop a lansa un documento caminda e ta bisa cu ta ora pa saca e “olifanti roos for di kashi”. Segun e, nos ta gaña nos mes pensando cu nos tin dos hospital completo. El a splica cu:

Tin demasiado fragmentacion (cuido parti na pida-pida).

Esaki ta costa hopi placa y ta causa ineficiencia.

E kier un solo mando pa “mihor control” y “mihor cuida”.

Posner a contesta: “No tin Olifanti, nos tin Burico ta cana rond!”



(Indirectamente e kemen Jacco) Dr. Ike Posner no a warda pa duna Jacco un bofta verbal. El’a desmantela e idea di Vroegop masha lihe, bisando cu e modelo aki a faya caba na Hulanda. Posner su puntonan tabata fuerte:

Democracia: Parlamento a bisa caba “NO” na un fusion. Vroegop no por ignora esaki.

Monopolio: Si tin un solo hospital y algo bay malo, henter e sistema ta cay den otro. Competencia y cooperacion ta mihor cu un solo doño.

Humildad: Posner ta haya cu un hospital sin competencia ta perde su humildad pa cu e pashent.

Palabra nan duro

E debate a bira personal y colorido cu e metaforanan uza:

Jacco Vroegop: Ta uza e frase

“Olifanti roos” pa bisa cu tin un problema grandi cu ningun hende kier papia di dje: cu e sistema actual no ta funciona.

Ike Posner: A contesta cu masha sarcasmo: “Na Aruba nos no tin olifanti, pero si un par di burico ta cana rond”, refiriendo cu e idea di fusion ta uno bobo y fuera di realidad.

E cos ta cayente:

Pa e ciudadano comun, e discusion ta simpel:

Vroegop kier uni tur cos pa spaar

placa y centralisa tur cos. Defacto e kemen cu Jacco lo ta director di Hospital Horacio Oduber y IMSan.

Posner kier pa IMSAN y HOH traha hunto pero separa, pa asina e pacient tin opcion y pa respeta e decision di nos representantenan den Parlamento.

Segun Posner ya caba algun tempo pasa, parlamento a vota riba un mocion unanime pa no uni hospital cu imsan.

Ken tin rason? E debate aki apenas a cuminsa!



Fraccion di MEP ta pidi aclaracion na presidente di Parlamento: TA MINISTER GERLIEN CROES TA PICK AND CHOOSE KI REUNION E TA ATENDE DEN PARLAMENTO?



STATEN VAN ARUBA
Fractie Movimiento Electoral di Pueblo

Aan de Voorzitter van de Staten van Aruba
dhr. A.M. Sneek
L.G. Smith Blvd 72
Alhier

Oranjestad, 30 april 2026

Betreft: verschillende verzoeken voor Openbare Vergaderingen met minister Gerlien Croes

Geachte Voorzitter,

Op 17 april 2026 heeft onze fractie verzocht om het met spoed bijeenroepen van een openbare vergadering met de minister Gerlien Croes, inzake openbare aanbestedingen. Wij hebben kennisgenomen van uw besluit om deze vergadering te agenderen voor maandag 11 mei 2026. Hoewel wij dit op zichzelf waarderen, constateren wij dat meerdere eerdere verzoeken van onze fractie tot het houden van openbare vergaderingen met dezelfde minister tot op heden niet zijn gehonoreerd, ondanks herhaalde rappellen.

Het betreft concreet de volgende verzoeken:

- 4 maart 2026: verzoek tot het met spoed bijeenroepen van een openbare vergadering inzake integriteit en transparantie
Rappellen: 15 april en 23 april 2026
- 6 maart 2026: verzoek tot het houden van een openbare vergadering inzake de visie op het Kabinet van de Gevolmachtigde Minister en de relaties binnen het Koninkrijk
Rappel: 14 april 2026
- 14 april 2026: verzoek tot het houden van een openbare vergadering inzake de opheffing van Departamento di Mucha y Hoben
Rappellen: 16 april en 22 april 2026

Ten aanzien van de verzoeken d.d. 4 maart en 6 maart 2026 geldt dat de termijn van 30 dagen, zoals bedoeld in het Reglement van Orde van de Staten van Aruba, inmiddels ruimschoots is verstreken. Voor het verzoek d.d. 14 april 2026 geldt dat deze termijn nog niet is verstreken, doch ook hier is reeds gerappelleerd zonder dat agendering heeft plaatsgevonden.

Tegen deze achtergrond verzoek ik, namens de MEP-fractie, u om een gemotiveerde toelichting waarom de eerstgenoemde verzoeken nog niet zijn gehonoreerd en wanneer de overige drie verzochte vergaderingen – te weten die van 4 maart, 6 maart en 14 april 2026 – alsnog zullen worden opgeroepen. Het uitblijven van tijdige agendering van verzoeken tot openbare vergaderingen raakt direct aan de controlerende taak van de Staten en aan de beginselen van transparantie en behoorlijk bestuur.



reunion riba e decision pa kita Departamento di Mucha y Hoben, y cu a manda reminder caba dia 16 y 22 di april.

Pa e petitionnan di 4 y 6 di maart 2026, e termino legal di 30 dia, segun Reglamento di Orde di Parlamento, a pasa caba. Pa e petition di 14 di april 2026, e termino ainda no a pasa, pero ya a wordo manda varios reminder sin resultado.

Fraccion di MEP a pidi un splicacion cla y motiva di Presidente di Parlamento: dicon e petitionnan anterior ainda no a wordo agenda, y ki tempo e tres reunionnan aki lo wordo yama.

Ademas, fraccion di MEP a haci un pregunta di principio: cu ki midi e presidente ta midi? A para bira cu un minister por

scoje pa cual reunion e kier presenta, mientras cu e Reglamento di Orde no ta laga espacio pa e tipo di escohencianan asina?

Segun fraccion di MEP, e situacion aki ta toca directamente e funcion di

control di Parlamento y e principio di transparencia y bon gobernacion. Pa motibo di e importancia constitucional di e asunto, Gobernador di Aruba a wordo informa mediante copia di e carta.

ORANJESTAD – Fraccion di MEP a manda un carta fuerte pa Presidente di Parlamento, cu copia na Gobernador di Aruba, pa pidi aclaracion tocante e tardansa den convocacion di varios reunionnan publico cu Minister Gerlien Croes, pasobra ta parce cu e ta scohe ki reunion e ta atende, y ki reunion p'e no ta importante.

Dia 17 di april 2026, fraccion di MEP a pidi un reunion cu urgencia riba tema di destahonan publico den enseñansa. E reunion aki awor a wordo yama pa dialuna 11 di mei 2026. Aunque fraccion

di MEP ta aprecia cu e reunion aki a wordo yama, tin preocupacion serio pasobra otro petitionnan cu a wordo pidi prome, cu e mesun minister, cu ainda no a wordo yama.

E petitionnan ta trata di:

- ☐ 4 di maart 2026: reunion cu urgencia riba integridad y transparencia, y cu a manda reminder caba dia 15 y dia 23 di april
- ☐ 6 di maart 2026: reunion riba vision tocante e Kabinete di Ministro Plenipotenciario y relacionnan den Reino, y cu a manda reminder caba dia 14 di april
- ☐ 14 di april 2026:

Clasificados










SOLODIPUEBLO@GMAIL.COM

CEL. 585 9500



Dangui Oduber

AUMENTO DI PRIJS AFECTANDO PUEBLO GRANDEMENTE! BESTAANSMINIMUM A BOLBE CONOCE UN AUMENTO

E costo di bida na Aruba ta keda subi y tin sla di prijs tur caminda. Dangui Oduber a señala cu net e gobierno cu a priminti di baha e costo di bida y mehora e poder di compra, ta haciendo exactamente lo contrario.

Costo di Bida na Aruba: Un aumento sin piedad

Parlamentario Oduber a señala cu desde cu e gobierno aki a cuminsa goberna, costo di bida ta subiendo tur luna, luna tras di luna. E cifranan di Central Bureau Statistiek (CBS) no ta gaña: e bestaansminimum ta subi cada bes cu e wordo midi. E indicador aki ta representa e entrada minimo necesario pa un individuo of hogar por funciona dignamente den nos sociedad. E ta ser calcula a base di e costo di bienes y serviccionan esencial manera: cuminda, paña, vivienda, transporte y otro necesidadnan basico. Pa garantisa cu e cifra aki ta refleha e condicionnan economico actual, e gastonan ta wordo ahusta regularmente conforme e cambionan di prijs den e Indice di Prijs di Consumidor (CPI). Esaki ta e prueba mas palpabel cu e costo di bida ta den un aumento constante, afectando directamente e cartera di tur ciudadano.

E impacto den cifra Maart 2026:


Pa un famia di dos adulto y dos mucha (edad 0-14), e entrada minimo necesario pa cubri e nivel basico di bida a yega na Afl. 5.602 pa luna. Esaki ta un aumento di Afl. 95 compara cu maart 2025,

unda e cifra tabata Afl. 5.507. E aumento aki a wordo impulsa primordialmente pa e gastonan mas halto den categorianan esencial; cuminda y bebidanan no alcohólico, cu a registra un aumento di Afl. 71 den transcurso di un año, mientras cu vivienda a aumenta cu Afl. 14 den e mesun periodo.

E situacion ta bira mas critico ora nos compara e necesidad basico cu e realidad di e sueldonan. Pa un adulto, e bestaansminimum ta wordo calcula na Afl. 2.636 pa luna. E sueldo minimo ta rond di Afl. 1.900. Esaki ta nifica cu e sueldo minimo no ta alcanza pa cubri e gasto di bida di un individuo, lagando un deficit di mas di Afl. 700 mensual. E echo cu e gasto basico pa un persona ta supera e sueldo minimo cu casi 700 florin, ta confirma e advertencia di Banco Central: e clase media na Aruba ta desapareciendo.

Cartera Bashi y Prijsnan Halto

Pueblo ta drenta supermercadonan cu miedo, paso e costo di bida ta asina halto cu 100 florin no tin ningun balor mas. Parlamentario Oduber a enfatisa cu, apesar di e promesanan di e gobierno di AVP-Futuro pa trece alivio, baha e costo di bida y yena e frishidernan bek, e realidad awe ta totalmente opuesto. Tanto Banco Central como CBS a bolbe confirma cu prijsnan di comestibel a conoce aumentonan drastico y pueblo su cartera ta mas bashi cu nunca. Unda cu pueblo bira, tin sla di prijs! Prijs di awa y coriente no a baha,



mientras e subida den prijs di gas y e aumento diario den cuminda y bebida ta keda strangula e cartera di nos pueblo. E alivio cu tanto a wordo priminti NO ta wordo sinti, al contrario pueblo ta sinti su mes traiciona. Oduber a señala cu awe e frishidernan ta mas bashi cu nunca; nos pueblo a wordo castiga cu aumento di prijs y awendia e poder di compra a bay atras grandemente. Hopi ta esunnan cu mester traha dos trabou pa por yega fin di luna, sometiendo famianan na un stress y presion enorme pa motibo di e costo di bida halto.

80.000 Hende Lubida: E Clase Media ta Desaparece

Nada no ta wordo haci pa mehora poder di compra pa esunnan cu ta gana sueldo minimo ni pa esunnan den clase media. Oduber a enfatisa cu Gobierno a lubida riba 80.000 hende na Aruba! Pa e grupo aki, gobierno NO tin ningun incentivo y no a mehora nan poder di compra, mientrastanto e clase media ta desapareciendo dia pa dia. Mas tristo ta cu gobierno y Minister Wever ta bisa pueblo cu NO tin

inflacion, cu ningun prijs na Aruba a subi. Parlamentario Oduber a critica e posicion aki severamente, indicando cu un minister cu no kier acepta y reconoce e "sla di prijs" ta un mandatario totalmente desconecta cu nos realidad.

Surplus pa Gobierno, Sla pa Pueblo!

E bestaansminimum a bolbe conoce un aumento na maart 2026, kieren pa famianan sobrevivir na Aruba a bira aun mas dificil y Gobierno ta man crusa. Nos no ta mira accionan pa baha e costo di bida, mehora e poder di compra di esunnan cu mas ta sintie den nan cartera. E año ki mester bini cambio pa asina esunnan mas afecta sinti alivio. Tur supermercado cu pueblo drenta nan ta mira cara di Geoffrey Wever riba shelf y a haya miedo di haci compras!

Oduber a conclui: Den un pais caminda Gobierno tin mas di 500 miyon florin di surplus, ta inaceptabel cu tanto hende ta sufri! E prosperidad no a wordo comparti manera a ser priminti!

REVITALISACION DI ORANJESTAD: GOBIERNO A ACTIVA ‘TASKFORCE’ PA CENTRO DI CIUDAD



Gobierno di Aruba, hunto cu diferente instancia manera Departamento di Naturalesa y Medio Ambiente (DNM), Bureau City Inspector, Dienst Openbare Werken (DOW) y Cuerpo Policial Aruba, a organisa un encuentro cu prensa na e ex edificio di Music Box den Elleboogstraat pa comparti progreso y siguiente pasonan den e revitalisacion di centro di Oranjestad.

E momento aki ta forma parti di un vision mas amplio pa duna bida nobo na Oranjestad, transformando espacionan cu anteriormente tabata

bandona of deteriora, den areanan funcional, sigur y atractivo pa comunidad y bishitantenan.

E iniciativa aki ta basa riba e establecimiento oficial di un taskforce interministerial bou e titulo “Convivencia: Centronan di Ciudad Sigur y Humano”, crea pa medio di un ministeriële beschikking como parti di e implementacion di politica di gobierno pa 2025–2028.

E taskforce tin como obhetivo principal desaroya y ehecuta un strategia integral pa fortalece seguridad, convivencia, calidad turistico y habitabel den

centro di Oranjestad y San Nicolas. Entre su responsabilidanan tin coordinacion di accionnan social, preventivo y di seguridad, manera tambe desaroyo di un plan di accion pa periodo 2025–2027.

Como parti di e estructura formal, a nombra e siguiente miembronan di e Taskforce:

- Ramon Arnhem (asigna pa Ministerio di Asuntonan General)
- Mauro de Koning (asigna pa Ministerio di Finansa)
- Gerald Vingal (asigna pa Ministerio di Husticia)
- Jose Paula (asigna pa Ministerio di Infraestructura)
- N o r e e n Vingerhoedt (asigna pa Ministerio di Asuntonan Social)
- Nicole Lugo (asigna pa Ministerio di Turismo)

E miembronan ta representa diferente ministerio clave, sigurando un enfoke interministerial y coordina pa atende retonan di seguridad, convivencia y desaroyo urbano.

Ademas, e Taskforce tin e posibilidad pa traha hunto cu partnernan externo manera organisacionnan social, sector priva y stakeholdernan turistico, pa asina logra un enfoke integral y sostenibel.

Dentro di e marco aki, autoridadnan di seguridad, incluyendo Korps Policial Aruba, ta hunga un rol clave den implementacion di accionnan concreto pa mehora orden publico y seguridad den centro di ciudad.

E ex-edificio di Music Box, situa den Elleboogstraat, ta un luga conoci den historia local. Den pasado, e tabata un punto importante pa musica, specialmente pa genero manera reggae y

roots, y a hunga un rol den e cultura musical di Aruba. Den un momento posterior, e edificio a sufri daño significativo y despues a keda bandona pa varios aña. Durante e periodo aki, e lugar a bira un punto di preocupacion den e vecindario.

Awor, e transformacion di e edificio ta simbolisa un cambio importante: di abandono pa oportunidad. Segun Gobierno, e proyecto aki ta muestra claramente cu revitalisacion di Oranjestad no ta un accion individual, sino un proceso continuo basa riba cooperacion, sostenibilidad y compromiso cu comunidad.

Cu accionnan concreto manera esaki, Aruba ta traha pa crea un centro di ciudad cu ta mas sigur, humano y atractivo, respetando su historia mientras cu ta construyendo su futuro.

Hendrik Tevreden: SALUD DI NOS HUBENTUD NA PELIGER! UN SISTEMA FRAGMENTA Y SIN PERSONAL TA MENASA UN GENERACION COMPLETO

Un sistema fragmenta, falta di inversion y un triplificacion den casonan di riesgo ta menasa e futuro di 30.000 mucha na Aruba.



ORANJESTAD – Jeugdgezondheidszorg (JGZ) di Aruba ta enfrenta un crisis profundo cu por tin consecuencia grave pa un generacion completo. Parlamentario Tevreden ta bati alarma riba e realidad cu e sistema actual no ta ekipa mas pa atende e demanda creciente, mientras cifranan ta muestra un deterioracion rapido den salud fisico y mental di nos hubentud.

Scarsedad di personal: 4 FTE pa 30.000 mucha

Actualmente, JGZ tin apenas 4 FTE (empleado full-time) pa brinda cuido y guia na casi 30.000 mucha y hoben. Parlamentario Tevreden ta cataloga e situacion como uno cu no ta sostenibel. Expertonan mes ta reconoce cu e ampliacion di capacidad ta urgente.

E meta ideal pa un cuido digno mester ta:

- 8 Dokter y 8 Enfermero
- 2 Ortopedagogo
- 1 Dietista

Sinembargo, te cu awe, e financiamiento pa cuido di adolescentenan ainda no a wordo presupuesta, loke ta laga un buraco den e cadena di cuido.

Casonan a triplifica: Miho registracion of salud a empeora?

Parlamentario Tevreden a expresa su preocupacion pa e cifranan alarmante di salud den nos poblacion escolar, caminda den periodo 2024-2025 e cantidad di indicacionnan entre mucha di 4 te 12 aña a subi dramaticamente di 589 pa 1.879 alumno. Tevreden ta enfatisa cu esaki ta representa casi un triplificacion di e casonan registra. Aunke e sector ta indica cu esaki ta debi na un miho sistema di deteccion y registracion, e pregunta clave ta keda: nos sistema a bira mas eficiente den registra, of e salud di nos muchanan ta empeorando? Un di e señalnan mas alarmante cu Tevreden a resalta ta cu 45% di e indicacionnan aki ta relaciona cu sobrepeso y obesidad.

Tevreden a recorda cu bou di e maneho di Gobierno anterior a logra implementa varios iniciativa pa promove un estilo di bida saludabel, manera e programa “Cool to be Fit”, e plataforma “Scol Saludabel”, cu ta cubri 17 di nos scolnan, y tambe e programa “Baby Friendly Hospital” pa promove dunamento di pecho. Tevreden ta exige pa e plannan cu a keda drumi den lachi wordo realisa mesora pa frena e crisis di salud:

- Regula mercadeo di cuminda no-saludabel dirigí riba mucha.
- Introduci bebemento di awa na scolnan.
- Saca 'junkfood' for di cantinanan escolar.

Fragmentacion: tur hende ta traha, pero Minister no ta dirigi

Un di e debilidannan mas grandi cu Parlamentario Tevreden ta señala den e sistema actual ta e falta total di coordinacion. JGZ ta colecta hopi data, pero colaboracion entre instancianan ta sigui ta fragmenta; informacion ta keda pega den sistema, coordinacion cu scol, trahador social y cuido primario ta limita, y no tin un coordinador central cu ta supervisa e cadena completo.

E resultado ta cu casonan ta wordo trata parcial, y no integral. Problema ta wordo pasa pa otro instancia, pero no semper e ta

wordo resolvi. E Parlamentario ta exige pa e Minister asumi un rol mas activo pa por mira un miho resultado y duna e seguridad cu e salud di nos muchanan ta e prioridad principal.

Problemanan psicosocial ta keda subi

Ansiedad, depresion y absentismo escolar ta aumenta. Parlamentario Tevreden ta señala cu, maske tin colaboracion cu Respaldo y otro partnernan, e monitoring di efectividad y e temponan di espera no ta structuralmente bon organisa. E sector mes ta indica: cu sin un coordinador central, e colaboracion ta keda fragmenta y, na final, e mucha ta esun cu ta keda perhudica. Parlamentario Hendrik Tevreden ta enfatisa cu e problema aki no ta un falta di placa, sino un falta di bon maneho; cu un direccion structural y coordina, lo por mehora e asunto aki.

Pa e parlamentario, e pregunta fundamental ya no ta si tin un problema, sino kico Gobierno a haci realmente pa preveni e crisis aki. El a adverti cu sin leyanan actualisa, sin direccion cla y sin un inversion serio, Aruba ta core e riesgo iminente di perde control riba salud di su propio futuro generacion. “E tempo di plania y sinta keto a pasa; awor ta e momento pa Minister Wyatt-Ras muestra liderasgo y guia e departamentonan aki cu vision y bon intencion,” Parlamentario Hendrik Tevreden a conclui.

SOPI DI LETRANAN

P	A	O	R	R	T	I	R	C
E	M	N	O	Y	A	I	R	T
N	D	D	S	N	N	N	R	C
T	R	I	A	N	G	L	E	T
A	U	A	O	L	L	S	S	E
G	E	M	G	V	E	U	S	E
O	A	O	C	T	A	G	O	N
N	T	N	T	I	R	L	D	F
A	T	D	H	E	P	T	A	G

SQUARE

MOON

DIAMOND

TRIANGLE

RECTANGLE

TRAPEZIUM

OVAL

CROSS

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		



Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

DIA MUNDIAL DI SIGURIDAD Y SALUD NA TRABOU, APRIL 28 Y DIA DI OBRERO-2-

Trabou (Arbeidsinspectie) y control debido riba siguridad y salud na trabou.

Ademas representacion sindical, un derecho ancla den tur dos tratado principal di derecho humano di Nacionan Uni, cu ta vigente na Aruba, a ser viola sistemicamente desde 1986 pa dunador di trabou, principalmente den sector hotelero y sector di turismo en general.

Esaki ta e consecuencia di un fenomeno economico poco conoci cu yama monopsonio.

Banco Interamericano di Desarojo (IADB) ta destaca cu monopsonio ta ocurri den islanan den Caribe ora hopi hende ta buscando trabou, pero tin poco dunador di trabou, tipicamente concentra den poco sector economico, manera turismo, y pa cual razon dunadornan di trabou e ora lo por permiti nan mes ofrece empleo cu salario bou di nivel husto y ta blokea negociacion pa representacion sindical.


Un estudio di IADB haci na 2023 a determina cu salario di trahador ta promedio un 46% menos cu e ingresonan genera pa cada cupo di trabou pa e dunador di trabou,

Monopsonio den un otro estudio di IADB a muestra cu e ta afecta productividad, ta causa disatisfaccion cu trabou y consecuentemente e bolop tanto e dunador di trabou, empleado y Gobierno cu ta

cobra belasting ta bira mas chikito.

E combinacion di falta di protocolo y convenio di ILO ratifica, legisla y enforza nacionalmente na Aruba y monopsonio ta conduci na stress, un ambiente psicosocial menos apto na trabou pa loke ta siguridad y salud, y por conduci na problema domestico, adiccion na droga, alcohol y gambling y un aumento general di trastorno y problema mental, y hasta na criminalidad chikito pa yega na placa pa por cubri e gastonan di bida.

Ariba esaki tin un practica di emplea hende via contrato temporal entre



otro via “uitzendbureau” of compania subcontratista.

Un estudio haci na Mexico a demonstra cu ora elimina mediante ley empleo via subcontratista, monopsonio ta baha y salario di trahador ta subi.

Na Aruba e dos tema aki

di monopsonio y abuso laboral cu a ser pone den luz publico pa miembro di Staten pa AVP, Carlos Bermudez, mester ser atendi pa nos yega na un ambiente psicosocial saludabel na Aruba, cu salario husto y respetando

dignidad y derechonan di trahador.

PA MEDIONAN DI PRENSA EN GENERAL

Pa mas informacion, tuma contacto via telefon na 7478280 of via email press.rwicare@gmail.com.




Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - May 03, 2026

 Sorteo # 4963 6218 6811 4098 FP  Sorteo # 4963 3816 X3  Sorteo # 3019 4177  Sorteo # 4963 5801 Cancer  Sorteo # 1837 650 X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 240.000,-	 Sorteo # 7169 0 x Jackpot 5 x Match 4 155 x Afl. 8,00 04-16-21-23-24 Proximo Jackpot 88.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 325.000,-	 Afl. 1.250.000,-	 Sorteo # 
--	--	--	---	--	--



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - May 03, 2026

 Sorteo # 8837 6717 0568 1114 X2  Sorteo # 7881 9030 X2  Sorteo # 2586 0576  Sorteo # 6640 4225 Acuario  Sorteo # 1570 437 	 Sorteo # 2693 0 x Jackpot 0 x Match 4+ 5 x Match 4 283 x Afl. 12,00 05-07-10-20-28 Joker 21 Letter M Proximo Jackpot 240.000,-	 Sorteo # 7168 0 x Jackpot 10 x Match 4 183 x Afl. 8,00 01-09-17-25-29 Proximo Jackpot 82.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 325.000,-	 Afl. 1.250.000,-	 Sorteo # 
--	---	---	---	--	--

FORTALEZA PA FAMILIA

Scirbi pa Pastor Marcel Balootje

CAMINDA RENCOR TA GOBERNA, SPIRITO SANTO TA APARTA

Dios ta avisa nos den Su palabra, cu nos tur mester pordona otro, cu nos no por ta biba den gera cu otro, cu bista riba pasado yen di rabia, rencor y amargura pasobra palabra di Dios ta ordena lo siguiente:

Aspira pa tin pas, cu tur hende y tambe santificacion, sin cual ningun hende lo no mira Senjor.

(Hebreonan 12:14).

Si ta posibel asina cu ta depende di boso, sea na pas cu tur hende, nunca paga malo cu malo cu ningun hende. Respeta loke ta corecto den bista di tur hende. (Romanonan 12:17-18).

No laga ningun palabra danino sali for di boso boca, solamente palabra cu ta bon pa edificacion, conforme e necesidad di e momento, pa esaki por duna gracia na esnan cu ta tende. (Efesonan 4:29).

Y no haci e Spirito Santo di Dios tristo, pa medio tristo pa medio di Kende boso a wordo seya pa e dia di rendencion. (Efesonan 4:30).

Laga tur amargura, rabia, furia, griteria, y calumnia wordo kita for di boso, hunto cu tur malisia. (Efesonan 4:31) Y sea carinioso cu otro, misericordioso, pordonando otro, mescos cu Dios den Cristo a pordona boso.

Den mundo tin hopi conflicto, hopi rabia, hopi odio, e enemigo ta haci fiesta cu mente y bida di hende, y hende ta acepta pa falta di conocimiento, of pa motibo di rencor, cu nan no kier laga pasado bay y asina biba na pas.

Ta con por ta posibel cu e siman aki bo ta pordona, y otro siman bo ta lanta cu mesun cos bek?

Acaso ta normal pa un hende tuma un bon banjo y depues bolbe bisti e mesun panja sushi bek?

Dios ta demostra hopi cla den su palabra, cu e ta pordona y no ta corda mas riba nos pica, bisando den Hebreonan 8:12, Pasobra lo Mi tin misericordia di nan inikidatnan, y lo Mi no corda nan pica mas.

Ta para scirbi den Mateo 6:14, pasobra si boso pordona hende nan transgreshonnan, boso Tata celestial tambe lo pordona boso. Ma si boso no pordona hende, boso Tata tampoco lo no pordona boso transgreshonnan.

Nos mester tin e naturalesa di Cristo, esey ta nifica cu nos ta pordona, pasobra Cristo Hesus a muri pa pordon di nos picanan, si nos ta bisa cu nos no ta pordona, of ta pordona y no ta lubida, esey ta nifica cu te ainda e naturalesa di Cristo no a alcansa nos bida, esey ta nifica cu te ainda nos no a laga pasado bay.

Y esey no ta nada di broma cune: Pasobra ora nos pordona, nos ta liber, spiritual y mental, y nos curason ta na pas, y nos consenshi ta limpi, esey ta nifica cu nos ta obedece Dios, ya ta bon pa nos mes.

E oracion di Nos Tata ta sinja nos cu nos mester pordona, awor tur hende ta resa Nos Tata, ma no ta tur hende kier pordona, esey ta nifica cu no tin obediencia na Dios.

Si un hende kier pas, Cristo Hesus ta ofrece pas, pero no e pas temporal cu mundo ta duna, pero Cristo Hesus ta ofrece pas eterno.

Hende ta cana rond cu gana di bringa, cu odio, planea pa destrui otro, cu curason yen di vengansa, buscando otro pa kibra, teniendo goso di otro su dolor, pero Dios den su misericordia, ta pordona nos pa asina nos por biba na pas un cu otro.

Falta di pordon, ta putri hende su curason, ta pone organo den curpa di hende funciona deficiente, ta afecta hende su salud mental.

Biba den e amor di Dios. Sinceramente, Pastor Marcel Balootje.

"CANTA PA SEÑOR UN CANTO NOBO: EL A HACI MILAGER; SU MAN FUERTE, SU BRASA SANTO A TRECE VICTORIA!" SALMO 98,1

Rumannan e Palabra di Dios ta duna speransa. E momento cu nos ta hunto cu Señor nos ta cana den victoria. Señor ta defende nos. Momentonan dificil ta laga nos crece den fe. Cu nos wowo halsa na Señor nos sa cu tur cos ta posibel. Ora un porta cera, cu nos fe nos sa cu un miho porta lo habri. Señor conoce nos for di bariga di nos mama. E ta guia nos pa hunto nos por yega shelo. P'esey ban canta, ban alaba Señor, E tin nos brasa. Nos

sa cu tur dia nos tin e oportunidad pa ta un miho hende. Ban traha y engrandece e reino di Señor.

Oracion: Señor danki pa bo amor, danki cu Bo tin nos brasa y ta cuida nos. Hunto cu Bo nos ta cana den victoria. Abo guia nos pasonan y Laga Bo Spirito Santo guia nos tur dia di nos bida. Den number di Hesus di Nazaret. Amen.

